

# AD QVODLIBETARIAM

## QVÆSTIO MEDICA MATVTINIS AGITANDA

### DISPVATIONIBVS IN SCHOLIS MEDICORVM, DIE IOVIS XXVII. MENSIS IANVARII.

Magistro SIMONE BASIN, Doctore Medico Regio moderatore.

625

*An expectandus die critico natura motus?*

**N**ATVRA & lege dispensantur omnia: natura omnibus per omnia sufficit, lex omnibus dominatur, natura fundamentum legis, lex principium naturæ: lex & natura consona, dissona: lex opinio est, natura ipsa rerum veritas: hæc quamquam *ἀδύνατος* & exlex, immutabiles tamen leges & artes, tum ad tuendam sanitatem, tum ad morbum, humoris hoxij coctione, secretione & excretionem profligandum retinet & molitur: Quod dum assequi conatur, statis diebus dimouetur, pugnam cum morbo semper aggreditur, aliquando cum Medicis & Clinica, frequenter cum ægrotis, & ipsissimè cum externis: Hinc certaminis huius exitus, si *ἀνίσταται* & *ἐκέρχεται* morbi mutationem coniunctam habeat, crisis denominatur salutaris aut exitialis, perfecta imperfecta, fida infida, secuta periculosa, manifesta obscura, *ἐπισημασμένη* & *ἀνίσταται*.

**M**OR noxius morbi fomes & comes idem qui & naturalis, eadem enim sunt principia vitæ & interitus, sanitatis & morbi: sanguis, pituita, bilis duplex temperie, facultate, copia moderata, immoderata, permixta, secreta, sunt homini sanitas & morbus, quorum color *ἐκαστος* velut florum, atque ut vita tota septendialis est ita & morbus: Genitura utero excepta septem diebus habere quæcumque corpus habere debet. Puer septimestris in lucem editus certa ratione vivit: eidem ubi septem menses à nativitate impleuerit, dentes apparere incipiunt: ubi septem annos desinunt exoriri, inedia *ἐπὶ τῷ μέρει* lethalis: morbi vero acutissimi iisdem diebus iudicantur, tertiani, quartani, quintani. Tertiani vna & dimidia hebdomada, quartani duabus hebdomadis, quintani duabus hebdomadis & dimidia. Ideoq; Medicum qui de ægrotorum salute coniectare studeat animaduertere oportet omnes dies, & potissimum contemplari per ternarios ac quaternarios, ternarijs quidem omnibus coniunctis, quaternarijs verò duobus disiunctis, & duobus copulatis: quaternarij tamen coniuncti potentius decernunt quàm disiuncti: ideoque decimus septimus decimo octavo, vigesimo vigesimo primo, trigesimo trigesimo primo, quadragesimo quadragesimo secundo in decernendo sit efficaciores.

**R**ISIMI dies appellantur, quibus cum signis decretorijs & accessione morbi cōtingit solutio, siue pares sint, siue impares: decimus quartus, vigesimus, trigesimus quartus ex imparium numero sunt: acuti cum sudore imparibus iudicantur, diurni paribus. hinc sudores boni tertio, quinto, septimo, nono, vndecimo, decimo quarto, decimo septimo, vigesimo, vigesimo septimo, trigesimo & trigesimo quarto: morbi enim iisdem diebus solvuntur quibus exacerbantur: neque tamen omnes ex æquo dies iudicant: sed alij sunt indices & *ἀντισημασμένοι*, alij iudices & principes, alij intercedentes, alij nec indicant nec iudicant: Septenorum quartus est index, vndecimus & decimus septimus contemplabiles, ille enim secundæ, hic tertie quartus est septimanæ. Principum fortissimus est septimus, vigesimus perfectissimus: Incidentes sunt tertius, quintus, nonus, quibus dum crisis *ἐπισημασμένη* quicquid aggreditur natura id præter institutum molitur, eruptione prius factâ quàm oporteat irritata, quibus qui iudicatur morbus est *ἐκέρχεται*, irritatur natura foris & intrus ut à Medico, ægroto, ministris & externis, sic & à morbo eiusque causâ & accessionum vehementiâ.

**I**n diebus verè criticis (cuiusmodi sunt septenarij) definiti sunt & certi naturæ motus, in coincidentibus verò inordinati & incerti, sic utriusque effectus diversi sunt principia: cælum & materia elementaris, quæ naturam adiuvant aut interturbant: Cæli solisque præcipua virtus immutabilis constans & rata, materia verò elementaris flexilis, mutabilis & diuidua: Et quamquam sol omnium rector & moderator existat, luna tamè velut eius *ἀντισημασμένη*, quia extrema cælo & cirima terris regenda huic inferiori plagæ destinata est, & pro varijs ad solem (à quo lumē mutuatur) schematis finis atque affectibus terrena hæc immutat: Alios enim effectus cum sole congregiēs, alios discedens aut accedens: alios diametra, alios in habitu exagone falcata: alios in tetragono dimidiata, alios denique in trigono gibbosa producit: Congrediens cum sole validissima est, deinde cum pleno orbe lucet, minus cum est *ἀντισημασμένη* obscure falcata, gibbosa verò obscurissimè: Silēis luna mutationes diurnæ, diametra verò celerissima: Et ut sol diurnos morbos & annum integrum regit atque in quatuor distinguit tempestates, sic acutos mēem & quaterniones luna moderatur atque in quatuor partitur septimanæ longiores, breviores pro ratione circuitus communis & proprii, neque enim annus, neque menses, neque septimanæ ipse integris diebus numerari possunt.

**M**ORBORVM mutationes aut ab innato & in sito principio promanant aut à communi ut aëre: atque illas quidem luna proprio circuitu excitat & efficit, has verò communi: hinc fit ut in quaternionibus, & potissimum in septimanis vnicius legis seu artis in victu moderando sit scopus (qui tum quanquā debet esse tenuissimus, tamen *πρὸς τὴν φύσιν* non est ad extremum ducendus) nam quæ iudicantur & iudicata sunt *ἀπὸ φύσεως*, ea nec mouere nec medicamentis, nec alijs irritamentis novare oportet sed sinere: Crisis venturæ bonæ vel malæ certa sunt indicia antecedentia, comitantia & consequentia: Antecedentia sunt humoris noxij pari vel impari die motus, coctionis aut cruditis (quæ in alui excrementis, urinis & sputis deprehenduntur) signa manifesta, obscura, vel media: secuta aut periculosa symptomata: Comitatoria verò, accessionum vehementia, insignis corporis ægroti perturbatio & iactatio, dispncea repentina, delirium, cōma, caligo, lachrymæ, oculorum rubor, temporum grauitas, colli & capitis dolor, inferioris labri tremor, concussio, aut contractio, stomachi vellicatio & motus, hypochondriorum eleuatio & in exhausta sitis: Consequentia denique bona præsentim, quæ & *ἀντισημασμένα* sunt sudores boni toto manātes corpore, urina multæ, alui copiosa deiectiones, vomitus insignis, sanguinis è naribus, ex vtero & hæmorrhoidibus profusio, parotides, aut in parte ignobili abscessus, quibus si quæ ex pulsibus & morbi atque temporum constitutionibus signa petuntur adiecerit eruditus Medicus & in artis operibus exercitatus, non solum de futuro morbi euentu certo poterit pronunciare, sed etiam an die critico crisis perfecta sit aut imperfecta explorare.

*Ergo expectandus die critico natura motus.*

72

Proponebat Lutetiæ NICOLAUS LAMBERT Parisinus, Anno R. S. H. M. DC. XXII.

DOMINI DOCTORES DISPVATVRI.

M. Petrus Girardet.  
M. Antonius Robin.  
M. Claudius Geruasi.

M. Franciscus Guenault.  
M. Joannes Merlet. M. R.  
M. Gabriel Harloûin de S. Jacques, Decanus.

M. Joannes Rioland. P. R.  
M. Andreas le Gros.  
M. Ioannes Mercier.

